

«ҚАЗАҚСТАН
РЕСПУБЛИКАСЫНЫҢ
ДЕНСАУЛЫҚ САҚТАУ
МИНИСТРЛІГІ САНИТАРИЯЛЫҚ-
ЭПИДЕМИОЛОГИЯЛЫҚ
БАҚЫЛАУ КОМИТЕТІ
АҚТӨБЕ ОБЛЫСЫНЫҢ
САНИТАРИЯЛЫҚ-
ЭПИДЕМИОЛОГИЯЛЫҚ БАҚЫЛАУ
ДЕПАРТАМЕНТІ»
РЕСПУБЛИКАЛЫҚ
МЕМЛЕКЕТТІК МЕКЕМЕСІ

АҚТӨБЕ ОБЛЫСЫНЫҢ
БАС МЕМЛЕКЕТТІК
САНИТАРИЯЛЫҚ ДӘРІГЕРІ



РЕСПУБЛИКАНСКОЕ
ГОСУДАРСТВЕННОЕ
УЧРЕЖДЕНИЕ
«ДЕПАРТАМЕНТ САНИТАРНО-
ЭПИДЕМИОЛОГИЧЕСКОГО
КОНТРОЛЯ
АКТЮБИНСКОЙ ОБЛАСТИ
КОМИТЕТА САНИТАРНО-
ЭПИДЕМИОЛОГИЧЕСКОГО
КОНТРОЛЯ МИНИСТЕРСТВА
ЗДРАВООХРАНЕНИЯ
РЕСПУБЛИКИ КАЗАХСТАН»

ГЛАВНЫЙ ГОСУДАРСТВЕННЫЙ
САНИТАРНЫЙ ВРАЧ
АКТЮБИНСКОЙ ОБЛАСТИ

ҚАУЛЫ

14.01.2022 ж.
Ақтөбе қаласы

ПОСТАНОВЛЕНИЕ

№ПГГСВ-2
город Актөбе

**«Ақтөбе облысының тұрғындары арасында
коронавирус инфекциясының алдын алу
жөніндегі шектеу карантиндік шаралары
туралы»**

Ақтөбе облысының тұрғындары арасында коронавирустық инфекцияның (бұдан әрі - COVID-19) таралуының алдын алу мақсатында, сондай-ақ Ақтөбе облысының аумағында қалыптасқан эпидемиологиялық жағдайды ескере отырып (*Қазақстан аймақтарындағы эпидемиологиялық жағдай тұрғысынан 2022 жылдың 13 қаңтарындағы бағалау матрицасына сәйкес Ақтөбе облысы қызыл аймақта*), «Халық денсаулығы және денсаулық сақтау жүйесі туралы» 2020 жылғы 7 шілдедегі Қазақстан Республикасы Кодексінің 38-бабы 1-тармағының 4) тармақшасын, 2-тармағының 3) тармақшасын, 104-бабының 2, 3, 4, 7- тармақтарын және Қазақстан Республикасы Бас Мемлекеттік санитариялық дәрігерінің 2021 жылғы 2 қыркүйегіндегі №38, 2021 жылғы 10 қыркүйегіндегі №42, 2022 жылғы 13 қаңтарындағы №1 қаулыларын басшылыққа алып, **ҚАУЛЫ ЕТЕМІН:**

1. Ақтөбе қаласы және Ақтөбе облысының аудан әкімдеріне, аумақтық мемлекеттік органдарға, «Атамекен» өңірлік кәсіпкерлер палатасына, «ҚТЖ – Жүк тасымалы» акционерлік қоғамы «МК Ақтөбе бөлімшесі» филиалының директорына, құқық қорғау және арнайы органдарға, ұйымдар мен мекемелер басшыларына, меншіктің барлық нысанындағы кәсіпкерлік субъектілеріне, Ақтөбе облысының тұрғындарына қамтамасыз ету:

1) осы қаулының 1 қосымшасына сәйкес «Ashyq» жобасына қатыспайтын Ақтөбе облысының әлеуметтік-экономикалық объектілерінің жұмысына шектеулер мен рұқсаттар өлшемшарттарын іске асыруға;

2) осы қаулының 2 қосымшасына сәйкес «Ashyq» жобасына қатысатын Ақтөбе облысының әлеуметтік-экономикалық объектілерінің жұмысына шектеулер мен рұқсаттар өлшемшарттарын іске асыруға;

3) осы қаулының 3 қосымшасына сәйкес қауіпсіз «жасыл» мәртебесі бар болған кезде «Ashyq» жобасына қатысатын, Ақтөбе облысының әлеуметтік-экономикалық объектілерінің жұмысына шектеулер мен рұқсаттар өлшемшарттарын іске асыруға;

4) осы қаулының 2 қосымшасына сәйкес «Ashyq» жобасына қатысатын барлық объектілер үшін келесі жұмыс режимі:

– «Ashyq» жобасына қатысушы объектілер сағат 00.00-ге дейін, «Ashyq» жобасының көшбасшылары – сағат 02.00-ге дейін;

Сенбі және жексенбі күндері қызметкерлер мен келушілерде «жасыл мәртебе» болған жағдайда (вакцинациялау; сынамаларды іріктеу сәтінен бастап 7 тәуліктен аспайтын теріс нәтижесі бар ПТР тестің болуы; КВИ-ге қарсы вакцинациялауға тұрақты медициналық қарсы көрсетілімдердің болуы немесе КВИ-мен ауырып жазылған адамдар соңғы 3 ай ішінде) объектілердің **жұмыс істеуіне жол беріледі;**

5) осы қаулының 3 қосымшасына сәйкес «Ashyq» жобасына қатысатын объектілер үшін қызметкерлер мен келушілерде қауіпсіз «жасыл» мәртебесі бар болған жағдайда (вакцинация, сынама алған кезден бастап 7 тәуліктен аспайтын теріс нәтижесі бар ПТР тест, тұрақты медициналық қарсы көрсетілімдері бар, ауырып жазылған адамдар соңғы 3 ай ішінде), жұмыс режимі бойынша шектеусіз, **жұмыс және демалыс күндері қызметті** жүзеге асыруын қамтамасыз етсін;

6) «Ashyq» жобасына қатысатын 30 адамға дейін садақаны қоспағанда, ашық ауада және үй- жайлардың ішінде отбасылық, еске алу шараларын қоса алғанда, оның ішінде үйде бұқаралық іс- шараларды өткізуге **тыйым салынады;**

7) «Ashyq» жобасына қатысуына қарамастан, тыйым салынады:

- конференциялар, семинарлар, көрмелер, форумдар өткізуге;
- концерт залдарының, театрлардың, филармониялардың қызметіне;
- түнгі клубтардың қызметіне;
- діни бірлестіктер объектілерінде (мешіттер, шіркеулер, соборлар, синагогалар және т.б.) ұжымдық іс- шаралар (жұма намаз, діни жоралар және т.б.) өткізуге;
- қоғамдық тамақтану объектілерінде бағандар арқылы қызмет көрсетуге, ән айту және би қызметтерін ұсына отырып, караоке қызметіне (қоғамдық тамақтану бойынша қызметтерді қоспағанда);

- жеке кездесулер өткізуге (вакцинацияланған 10 адамға дейін қоспағанда);

8) қоғамдық тамақтану объектілерінде бір үстелге келушілер санын 4 адамға дейін **қысқарту** (әр үйлерден);

9) облыстың тыныс-тіршілігін қамтамасыз ету объектілері мен шұғыл жағдайларды қоспағанда, күндізгі режимде кеңестер (отырыстар) өткізуге тыйым салуды;

10) халықтың қоғамдық көліктегі байланыстарын азайту мақсатында ұйымдар (кәсіпорындар) жұмысының сараланған кестесін енгізуді қарастыру;

11) коммуналдық шаруашылық және тыныс-тіршілікті қамтамасыз ететін объектілерді қоспағанда, қызметкерлерде COVID-19-ға қарсы вакцинациялау жүргізілуіне қарамастан, мемлекеттік органдардың (ұйымдардың), ұлттық компаниялардың, кәсіпорындардың әкімшілік қызметкерлерінің кемінде 70%-ын қашықтықтан жұмыс нысанына ауыстыру;

12) Ұлттық құрамалар, клубтық командалар үшін спорттық жаттығуларға (30 адамнан артық емес, COVID-19-ға қарсы вакцинациялаудың толық курсы алғаны туралы құжаттамалық растау ұсынған жағдайда, денемен жанаспайтын әдіспен дене қызуын өлшеу, спорт базаларында тұру) рұқсат беруді;

13) спортшылар мен жаттықтырушылар құрамы COVID-19-ға қарсы вакцинациялаудың толық курсы алғаны туралы құжаттамалық растау ұсынған жағдайда облыстық командаларды дайындау үшін оқу-жаттығу жиындарын өткізуге рұқсат беруді;

14) күшейтілген санитариялық-эпидемияға қарсы және санитариялық-профилактикалық шараларды сақтай отырып көшедегі азық-түлік саудасының рұқсат етілген түрлерінің жұмысына (оның ішінде тез дайындалатын тамақ өнімдерін, пончиктерді, балмұздақтарды, алып шығуға арналған кофені, көкөніс шатырларын және т.б. сататын объектілердің) рұқсат беруді;

15) Қазақстан Республикасы Бас мемлекеттік санитариялық дәрігерінің 2021 жылғы 2 қыркүйегіндегі №38 қаулысының қаулысының 23 қосымшасына сәйкес, Қазақстан Республикасы Қорғаныс министрлігінің, Қазақстан Республикасы Ішкі істер министрлігінің, Ұлттық қауіпсіздік комитетінің (оның ішінде ҰҚК Шекара қызметінің) және Қазақстан Республикасы Мемлекеттік күзет қызметінің жеке құрамы арасында COVID-19 таралу қаупін азайту жөніндегі алгоритмді сақтауды;

16) Қазақстан Республикасы Бас мемлекеттік санитарлық дәрігерінің 2021 жылғы 2 қыркүйегіндегі №38 қаулысының қаулысының 12 қосымшасына сәйкес, әуежай, теміржол және автомобиль вокзалдарының жұмыс істеу алгоритмін сақтауды;

17) мынадай ұйымдардың/объектілердің:

қызмет көрсету жөніндегі объектілердің (халыққа қызмет көрсету орталықтары (ХҚКО), «Қазпошта» АҚ бөлімшелері, екінші деңгейдегі банктер, қаржы нарығының объектілері, сақтандыру компаниялары, жылжымайтын мүлік жөніндегі агенттіктер, жарнама агенттіктері, айырбастау пункттері, ломбардтар, сұлулық салондары, шаштараздар, маникюр және педикюр, косметологиялық қызметтерді көрсету, адвокат, нотариус, бухгалтер және консалтинг қызметтері, химиялық тазалау орындары, кір жуу орындары, фитнес, спорт кешендері, спорттық-сауықтыру орталықтары, СПА және массаж салондары/орталықтары/кабинеттері, моншалар, сауналар, бассейндер, жағажайлар, типографиялық көрсетілетін қызметтер, тігін ательесі, фотосалондар, аяқ киім шеберханалары, гүл дүкендері, аяқ киім, киім жөндеу, ұйымдастыру техникасын жөндеу жөніндегі сервис, өзге де объектілер);

халық тұтынатын өнімдердің және тауарлардың көтерме және бөлшек саудасы (сақтау) объектілерінің, оның ішінде базарлардың, сауда үйлерінің, сауда желілерінің, сауда-ойын-сауық орталықтарының, дүкендердің, шағын маркеттердің, супермаркеттердің, гипермаркеттердің;

мәдениет және демалыс объектілерінің (музейлер, музей-қорықтар, кітапханалар, концерттік ұйымдар, филармониялар, театрлар, кинотеатрлар, концерт залдары, клубтар, галереялар, көрмелер, цирктер және басқа да мәдени-демалыс ұйымдары);

халықтың тұруы бойынша қызметтер көрсету саласындағы объектілердің (қонақ үйлер, отельдер, хостелдер, мотельдер, жатақханалар, кемпингтер және тағы басқалар);

жолаушылар тасымалын жүзеге асыратын ұйымдардың, әуежайлардың, теміржол, автомобиль, автостанциялар, жолаушыларға қызмет көрсету пункттерінің;

білім беру және тәрбиелеу ұйымдарының, оның ішінде білім беру дамыту және түзету орталықтарының (ересектер мен балаларға арналған), оқу-өндірістік комбинаттардың және басқа да мектептен тыс ұйымдардың;

санаторий-курорттық және сауықтыру мақсатындағы объектілердің (санаторийлер, демалыс үйлері/базалары/аймақтары, профилакторийлер, балалардың сауықтыру лагерлері (мектеп жанындағы, қала сыртындағы), туристік базалар және басқалар);

қоғамдық тамақтану объектілерінің, оның ішінде ұйымдасқан ұжымдарда орналасқан, сондай-ақ тамақ жеткізуді жүзеге асыратын объектілердің, стрит-фудтардың;

барлық үлгідегі медициналық-әлеуметтік объектілердің (қарттар, мүгедектер үйлері, сәбилер үйлері және басқалары);

денсаулық сақтау ұйымдарының, оның ішінде зертханалардың;

дәріхана ұйымдарының;

тіршілікті қамтамасыз ету және коммуналдық шаруашылық объектілерінің (сумен жабдықтау, жылумен жабдықтау, электрмен жабдықтау, аумақтарды жинау және қалдықтарды шығару, үй-жайлар мен аумақтарды дезинфекциялық өңдеу бойынша ұйымдар, авариялық-құтқару

қызметтері, кондоминиум объектілерінің басшылары (пәтер иелерінің кооперативтері, мүлік иелерінің бірлестіктері және басқалар);

экскурсиялық қызмет көрсететін ұйымдардың;

демалыс объектілерінің, ойын-сауық ойын объектілерінің (компьютерлік клубтар, бильярд залдары, боулингтер, ойын-сауық орталықтары/саябақтары, аттракциондар, аквапарктер, караоке, лотерея клубтары және лотерея билеттерін сату жөніндегі өзге де пункттер/нүктелер және басқалар);

байланыс және телекоммуникация объектілерінің;

өнеркәсіптік кәсіпорындардың, ұйымдасқан ұжымдардың;

кылмыстық атқару жүйесі мекемелерінің, күштік құрлымдардың, мемлекеттік органдардың COVID-19-ға қарсы вакцинациялауды алмаған (тұрақты медициналық қарсы көрсетілімдері бар және соңғы 3 ай ішінде COVID-19-бен ауырып жазылған адамдарды қоспағанда) жұмыскерлерді күндізгі режимде жұмысқа жіберуді шектеуді;

18) осы қаулының 1 тармағының 17 тармақшасында көрсетілген ұйымдардың вакцинацияланбаған жұмыскерлері (тұрақты медициналық қарсы көрсетілімдері бар және соңғы 3 ай ішінде COVID-19-бен ауырып жазылған адамдарды қоспағанда) үшін міндетті түрде ПТР-тестілеуді (7 күнде 1 рет) қамтамасыз етсін.

2. Ақтөбе қаласы және Ақтөбе облысының аудан әкімдері, Ақтөбе облысының білім басқармасы, меншік нысанына қарамастан кәсіпкерлік субъектілері оқытуды қамтамасыз етсін:

1) білім беру объектілерінде контингенті **600 оқушыға дейінгі штаттық форматта;**

2) қалалық мектептерде **600 оқушыдан астам-** қашықтықтан оқыту форматында (ауылдық мектептерде 600 оқушыдан астам- штаттық форматта оқыту), бұл ретте мектеп әкімшілігінің шешімі бойынша **1-2 сыныпта-** штаттық форматта оқыту, **3-5 сыныпта-** кезекшілік сыныптар (қашықтықтан оқыту форматы бар жерде);

3) колледждер мен ЖОО-ы студенттері- аралас форматта оқыту (барлық дәрістер онлайн, практикалық, зертханалық, семинарлық сабақтар икемді график бойынша штаттық форматта);

4) оқу орны әкімшілігінің қалауы бойынша вакцинациялаудың толық курсын аяқтаған студенттер мен оқушыларды штаттық режимде оқытуға жол беріледі;

5) мектепке дейінгі ұйымдар- штаттық режимде;

6) мектептен тыс ұйымдарда эпидемиологиялық тәуекел аймағына қарамастан жеке сабақтар кезінде штаттық режимде, топтық сабақтар кезінде – **10 адамға дейін**, мүмкінділігі шектеулі балаларға/ересектерге арналған түзету кабинеттерінде (орталықтарында) **8 адамға дейін** жеке және топтық сабақтар өткізуге жол беріледі.

3. Ақтөбе облысының тұрғындарына:

1) респираторлық инфекцияның алғашқы симптомдары (құрғақ жөтел, жоғары температура, тыныс алудың қиындауы, енгігу және т. б.) пайда

болған кезде 103 нөмірі бойынша жедел жәрдем шақыру жолымен медициналық ұйымдарға бармай-ақ, үйде медициналық көмекке дереу жүгіну;

2) қоғамдық тамақтану орындарында әлеуметтік қашықтықты сақтай отырып тамақ ішкен жағдайда және бес жасқа дейінгі балаларды қоспағанда, қоғамдық орындарда, халықтың келуіне, қызмет көрсетуіне және демалуына арналған үй-жайларда, қоғамдық көлікте (оның ішінде таксиде), қоғамдық орындарындағы ашық ауада болған кезде барлық адамдарға медициналық немесе мата бетперделерін міндетті түрде тағу.

4. Ақтөбе қаласы және Ақтөбе облысының аудан әкімдеріне, Ақтөбе облысының полиция департаментіне, Ақтөбе облысының санитариялық-эпидемиологиялық бақылау департаментінің аумақтық басқармаларының, Ақтөбе бөлімшелік көліктегі санитариялық-эпидемиологиялық бақылау басқармасының басшыларына:

мониторингтік топтарымен объектілер мен қоғамдық көліктерде күндізгі және түнгі уақытта шектеу карантиндік шараларының орындалуына бақылау күшейтілсін.

Бұзушылықтар анықталған жағдайда 2014 жылғы 5 шілдедегі «Әкімшілік құқық бұзушылық туралы» Қазақстан Республикасының Кодексіне сәйкес тиісті әкімшілік шаралар қолданылсын.

5. Ақтөбе облысы Денсаулық сақтау басқармасының басшысына және меншік нысанына қарамастан денсаулық сақтау ұйымдарының басшыларына:

1) COVID-19 күдігі бар адамдарды уақытылы анықтау және оқшаулау үшін барлық денсаулық сақтау объектілерінде сүзгілердің, пациенттердің бүкіл ағынының дене температурасын өлшеуге арналған тепловизорлары бар шлюздердің тиісінше жұмыс істеуін қамтамасыз етуді;

2) бейінді мамандардың науқастарды қабылдау кезінде кезектердің туындауына жол бермеу, екпе алу, клиникалық-диагностикалық зерттеулерден өту үшін (шұғыл жағдайлардан басқа пациенттерді алдын ала жазылу бойынша қабылдау), медициналық ұйым басшысының бұйрығымен медициналық ұйымның әрбір қабатында профилактикалық іс - шараларды бақылау және қамтамасыз ету үшін жауапты қызметкерді айқындау, персонал мен пациенттердің лас аймақтан таза аймаққа ауысуын болдырмау;

3) пациенттердің күнделікті ағынын хирургиялық және терапиялық бейіні бойынша бөлек бөлу, стационарлардың аймақтарға бөлінуі мен жұмыс режимін қатаң сақтау, медицина қызметкерлерінің инфекциялық қауіпсіздігін сақтау;

4) меншік түріне қарамастан стационарларда карантинді сақтауды жалғастыру.

6. Қазақстан Республикасы Денсаулық сақтау министрлігі Санитариялық-эпидемиологиялық бақылау комитетінің «Ұлттық сараптама орталығы» ШЖҚ РМК Ақтөбе облысы бойынша филиалына:

- COVID-19 ошақтарында қорытынды дезинфекцияны мектепке дейінгі балалар мекемелерінде, қарттар мен мүмкіндігі шектеулі адамдарға арналған медициналық-әлеуметтік объектілерде, сәбилер үйлерінде, балалар үйлерінде, интернат үлгісіндегі оқу орындарында жағдайлар тіркелген кезде ҰСО филиалдары жүргізу.

7. Ақтөбе облысының ішкі саясат басқармасы халықты БАҚ және әлеуметтік желілер арқылы жаппай хабардар етуді жүргізсін.

8. Қаулы меншік нысанына қарамастан барлық жеке және заңды тұлғалардың орындауы үшін міндетті.

9. «Ақтөбе облысы бойынша 2021-2022 оқу жылында білім беру ұйымдарында коронавирустық инфекцияның алдын алу жөніндегі санитариялық-эпидемияға қарсы және санитариялық-профилактикалық іс-шараларды жүргізу туралы» Ақтөбе облысының Бас Мемлекеттік санитариялық дәрігерінің 2021 жылғы 27 тамызындағы №ПГГСВ-34, «Ақтөбе облысының тұрғындары арасында коронавирус инфекциясының алдын алу жөніндегі шектеу карантиндік шаралары туралы» Ақтөбе облысының Бас Мемлекеттік санитариялық дәрігерінің м.а. 2021 жылғы 24 қазанындағы №ПГГСВ-39, «Ақтөбе облысының тұрғындары арасында коронавирус инфекциясының алдын алу жөніндегі шектеу карантиндік шаралары туралы» Ақтөбе облысының Бас Мемлекеттік санитариялық дәрігерінің м.а. 2021 жылғы 24 қазанындағы №ПГГСВ-39 қаулысына өзгерістер мен толықтыру енгізу туралы» Ақтөбе облысының Бас Мемлекеттік санитариялық дәрігерінің м.а. 2022 жылғы 3 қаңтарындағы №ПГГСВ-1 қаулыларының күші жойылды деп танылсын.

10. Осы қаулының орындалуын бақылауды өзіме қалдырамын.

11. Осы қаулы 2022 жылдың 16 қаңтары сағат 00.00-ден бастап күшіне енеді.

**Ақтөбе облысының
Бас Мемлекеттік
санитариялық дәрігері**



Р. Қойшанова

Ақтөбе облысының
Бас Мемлекеттік
санитариялық дәрігерінің
14.01.2022 жылғы
№ПТГСВ-2 қаулысының
1 қосымшасы

**«Ashuq» жобасына қатыспайтын, әлеуметтік-экономикалық объектілерінің
жұмысына шектеулер мен рұқсаттар беру өлшемшарттары**

№	Объектілер/ салалар	Шектеу карантиндік шаралар
1.	Өнеркәсіптік объектілері, оның ішінде вахталық әдіспен жұмыс жасайтын. Мемлекеттік органдар мен ұйымдардың қызметкерлері (табиғи және техногендік сипаттағы төтенше жағдайлар туындаған кезде жұмылдырылған шұғыл қызметтердің қызметкерлерін қоспағанда) ПТР әдісімен COVID-19 анықтауға зертханалық тексерудің теріс нәтижесі болған кезде немесе COVID-19-ға қарсы вакцинация алғаны туралы құжаты болған жағдайда вахталық кенттерге кіруді жүзеге асырсын.	Қазақстан Республикасы Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 25, 26 қосымшаларындағы талаптарды сақтаумен рұқсат етіледі.
2.	Құрылыс	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 26 қосымшасының талаптарын сақтаған жағдайда тұрмыстық үй-жайларда байланыс болмаған жағдайда рұқсат етіледі.
3.	Ауыл және балық шаруашылығы, мал шаруашылығы	Қазақстан Республикасының Бас мемлекеттік санитариялық дәрігерінің 2021 жылғы 2 қыркүйегіндегі №38 қаулысының 15 қосымшасының талаптарын сақтаған жағдайда рұқсат етіледі.

4.	Байланыссыз қызметтер (техникалық қызмет көрсету станциялары, автожуу, шиномонтаж, вулканизация, автомобильдерді, тұрмыстық техниканы, сағаттарды, телефондарды, компьютерлерді, аяқ киімді жөндеу, тігін ательесі, кір жуу, химиялық тазалау, типографиялық қызметтер, кілттерді дайындау, тұрмыстық үй қағидаты бойынша қызметтер және т. б.)	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 6, 7, 10 қосымшаларының талаптарын сақтаған жағдайда рұқсат етіледі.
5.	Туристік компаниялар, бизнес орталықтары (сактандыру компаниялары, адвокат, нотариус, бухгалтер және консалтинг қызметтері, жылжымайтын мүлік агенттіктері, жарнама агенттіктері, сот орындаушылары, айырбастау пункттері, ломбардтар және т. б.)	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 1 қосымшасының талаптарын сақтаған жағдайда рұқсат етіледі.
6.	Гүл дүкендері, фотосалондар	бетперде тәртібін, әлеуметтік қашықтықты сақтау және антисептиктерді пайдалану кезінде рұқсат етіледі
7.	Медициналық ұйымдар, дәріханалар	күшейтілген санитариялық-эпидемияға қарсы және санитариялық-профилактикалық іс-шараларды сақтай отырып рұқсат етіледі.
8.	Медициналық орталықтар, кабинеттер, тіс емханасы	алдын- ала жазылумен рұқсат етіледі.
9.	Мұражайлар, кітапханалар	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 9 қосымшасының талаптарын сақтаған жағдайда рұқсат етіледі.
10.	Азық-түлік дүкендері, шағын маркеттер, супермаркеттер, гипермаркеттер	Қазақстан Республикасының Бас мемлекеттік санитариялық дәрігерінің 2021 жылғы 2 қыркүйегіндегі №38 қаулысының 5 қосымшасының талаптарын сақтаған жағдайда рұқсат етіледі.
11.	Сұлулық салондары, шапғараздар және косметологиялық қызмет	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 7 қосымшасындағы

	көрсететін объектілері	талантарды сақтай отырып, алдын ала жазылу бойынша рұқсат етіледі.
12.	Халықтың тұруы бойынша қызметтер көрсету саласындағы ұйымдар (қонақ үйлер, отельдер, санаторий-курорттық ұйымдар, демалыс үйлері/базалары, туристік базалар және т. б.)	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 11 және 17 қосымшаларының талаптарын сақтай отырып, толтырылуы 80%- дан аспаған кезде жұмыс істеуге рұқсат етіледі.
13.	Ашық базарлар (азық-түлік, мал, азық-түлік емес)	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 5 қосымшасындағы талаптарды сақтай отырып, жұмыс күндері жұмыс істеуіне рұқсат етіледі, сенбі және жексенбі күндері жұмыс істеуіне тыйым салынады.
14.	Жабық базарлар (азық-түлік және азық-түлік емес)	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 5 қосымшасындағы талаптарды сақтай отырып, жұмыс күндері жұмыс істеуіне рұқсат етіледі (балалар ойын алаңдары мен аттракциондардың қызметтеріне тыйым салынады), сенбі және жексенбі күндері жұмыс істеуіне тыйым салынады.
15.	Қоғамдық көлік	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 14 қосымшасының талаптарын сақтай отырып, кептеліс уақытында қоғамдық көліктің желіге барынша көп шығуы, отыратын орындардың саны бойынша қоғамдық көліктің толтырылуы, барлық есіктерді ашу рұқсат етіледі.
16.	Облысаралық және қалалық тұрақты емес (туристік) тасымалдар	тыйым салынады
17.	Қалааралық/облысаралық тұрақты автобустардың (шағын автобустардың) қозғалысы	тыйым салынады

18.	Банктер, ХҚКО, «Қазпочта» АҚ бөлімшелері	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 1 қосымшасының талаптарын сақтай отырып рұқсат етіледі.
19.	Діни объектілері	жабық үй- жайда ұжымдық іс-шараларды өткізбей, Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 19 қосымшасының талаптарын сақтай отырып рұқсат етіледі.
20.	Мейрамхана, дәмхана және кофехана типі бойынша қоғамдық тамақтану объектілері (үй-жайда)	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 20 және 21 қосымшаларының талаптарын сақтай отырып, сағат 09.00-ден 20.00-ге дейін, толтырылуы 50%-ға дейін, бірақ 30 орыннан асырмай жұмыс істеуіне рұқсат етіледі. Тамақты жеткізу мен шығару штаттық режимде. Ұжымдық, салтанатты, отбасылық, естелік (банкеттер, үйлену тойлары, мерейтойлар, садақа және т.б.) және басқа да бұқаралық іс-шараларды ұйымдастыруға және өткізуге қатаң тыйым салынады.
21.	Асханалар типі бойынша алкогольдік ішімдіктерді саппай қоғамдық тамақтану объектілері, ұйымдастырылған ұжымдардағы асханаларды қоспағанда	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 20 және 21 қосымшаларының талаптарын сақтай отырып, сағат 07.00-ден 24.00-ге дейін жұмыс істеуіне рұқсат етіледі. Тамақты жеткізу мен шығару штаттық режимде. Ұжымдық, салтанатты, отбасылық, естелік (банкеттер, үйлену тойлары, мерейтойлар, садақа және т.б.) және басқа да бұқаралық іс-шараларды ұйымдастыруға және өткізуге қатаң тыйым салынады.
22.	Стрит-фуд (жеке тұрған шатыр/ларек/отыратын орны жоқ дүңгіршек)	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 20 және 21 қосымшаларының

		талаптарын сақтай отырып рұқсат етіледі.
23.	Банкет залдары (мейрамханалар және дәмхана типі бойынша келушілерге қызмет көрсету және садақа өткізу)	тыйым салынады
24.	Азық-түлік емес тауарлардың барлық түрлерін сататын дүкендер	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 5 қосымшасының талаптарын сақтай отырып жұмыс және сенбі күндері жұмыс істеуіне рұқсат етіледі, жексенбі күндері жұмыс істеуіне тыйым салынады.
25.	СПА-орталықтар	Қазақстан Республикасының Бас Мемлекеттік санитариялық дәрігерінің 2021 жылғы 2 қыркүйегіндегі №38 қаулысының 16 қосымшасының талаптарын сақтай отырып, жұмыс күндері жұмыс істеуіне рұқсат етіледі, сенбі және жексенбі күндері жұмыс істеуіне тыйым салынады.
26.	Компьютерлік клубтар, оның ішінде PlayStation клубтары (12 жасқа дейінгі адамдарды қоспағанда)	тыйым салынады
27.	Жолаушылар пойыздарының /электр пойыздарының қозғалысы	жалпы вагондарсыз
28.	Жолаушылар поездарының қозғалысы	жалпы вагондарсыз
29.	Боулинг клубтары	тыйым салынады
30.	Мәдениет объектілері (дайындық)	тыйым салынады
31.	Бильярд	тыйым салынады
32.	Көрермендермен спорттық іс-шараларды өткізу	тыйым салынады
33.	Балалар ойын-сауық орталықтары (жабық үй-жайлардағы ойын алаңдары мен аттракциондар, батуттар)	тыйым салынады
34.	Түнгі және ойын клубтары, букмекер кеңселері, лоторея клубтары	тыйым салынады

Ақтөбе облысының
Бас Мемлекеттік
санитариялық дәрігерінің
14.01.2022 жылғы
№ПТГСВ-2 қаулысының
2 қосымшасы

**«Ashyq» жобасына қатысатын, әлеуметтік-экономикалық объектілерінің жұмысына
шектеулер мен рұқсаттар беру өлшемшарттары**

№	Объектілер/ салалар	Қызыл аймақ
1.	Мейрамхана, дәмхана және кофехана типі бойынша қоғамдық тамақтану объектілері (үй-жайда)	толтырылуы 50%-ға дейін, бірақ 50 орыннан асырмай рұқсат етіледі
2.	Алкогольдік ішімдіктерді сатпайтын асханалар типіндегі қоғамдық тамақтану объектілері (үй-жайда)	рұқсат етіледі
3.	Банкет залдары (садақа өткізу үшін)	толтырылуы 30%-дан артық емес, бір адамға кемінде 4 ш.м. алаңмен қамтамасыз етілген жағдайда, бірақ 30 адамнан асырмай рұқсат етіледі.
4.	Банкет залдары (мейрамханалар және дәмхана типі бойынша келушілерге қызмет көрсету)	толтырылуы 50%-ға дейін, бірақ 50 орыннан асырмай рұқсат етіледі
5.	СПА-орталықтар	рұқсат етіледі
6.	Мәдениет объектілері (дайындық)	30 адамға дейін, сондай-ақ екі компонентпен вакцинацияланған адамдарға рұқсат етіледі
7.	Облысаралық, қалалық тұрақты емес (туристік) тасымалдар	толтырылуы 75%-ға асырмай, бірақ 15 адамнан асырмай рұқсат етіледі
8.	Облысаралық және облысшілік тұрақты тасымалдар	рұқсат етіледі
9.	Бильярд	толтырылуы 30%-дан артық емес болған жағдайда рұқсат етіледі
10.	Компьютерлік клубтар, PlayStation клубтарын қоса алғанда	толтырылуы 30%-дан артық емес болған жағдайда, 12 жасқа толған және одан асқан адамдарға ғана рұқсат етіледі
11.	Боулинг	толтырылуы 30%-дан артық емес болған жағдайда рұқсат етіледі
12.	Ерікті қатысушылар (киноиндустрия, ұйымдар, кеңселер және басқалар)	жеңілдіксіз
13.	Лотерея клубтар және лотерея сататын өзге де орындары	бір адамға кемінде 4 ш.м. алаң қамтамасыз ету кезінде, бірақ 30 адамнан асырмай рұқсат

		етіледі
14.	Алаңы 1000 ш.м-ге дейін қоса алғанда болатын балалардың (жабық) ойын-сауық орталықтары	бір адамға кемінде 10 ш.м. алаң қамтамасыз ету кезінде, бірақ 30 адамнан асырмай рұқсат етіледі
15.	Алаңы 1000 ш.м-ден астам болатын балалардың (жабық) ойын-сауық орталықтары	бір адамға кемінде 10 ш.м. алаң қамтамасыз ету кезінде, бірақ 60 адамнан асырмай рұқсат етіледі
16.	Отельдер, қонақ үйлер	рұқсат етіледі
17.	Автомобиль вокзалы, автостанция	рұқсат етіледі
18.	ХҚО	рұқсат етіледі
19.	Сауда алаңы 100 ш.м-ге дейінгі қоса алғанда (азық-түлік емес) сауда желілері	рұқсат етіледі
20.	Базарлар (жабық)	рұқсат етіледі
21.	Букмекерлік конторалар	бір адамға кемінде 4 ш.м. алаң қамтамасыз ету кезінде, бірақ 30 адамнан асырмай рұқсат етіледі
22.	Сұлулық орталықтары мен салондары, шаштараздар, маникюр мен педикюр қызметтерін көрсету, косметикалық және косметологиялық қызметтер көрсету салондары (жазылу бойынша)	алдын ала жазылу бойынша
23.	Банктер, «Қазпочта» АҚ бөлімшелері	рұқсат етіледі

Ақтөбе облысының
Бас Мемлекеттік
санитариялық дәрігерінің
14.01.2022 жылғы
№ПГГСВ-2 қаулысының
3 қосымшасы

**«Ashuq» жобасына қатысатын, қауіпсіз «жасыл» мәртебесі бар болған кезде
әлеуметтік-экономикалық объектілерінің жұмысына шектеулер мен рұқсаттар беру
өлшемшарттары**

№	Объектілер/ салалар	Қызыл аймақ
1.	Марафондар (ашық ауада)	500 адамнан артық емес болған жағдайда рұқсат етіледі
2.	Көрермендер қатысатын спорттық іс-шаралар	толтырылуы 50%-дан артық емес болған жағдайда рұқсат етіледі
3.	Спорт кешендері, спорттық-сауықтыру орталықтары (жаттығулар)	толтырылуы 20%-дан артық емес болған жағдайда рұқсат етіледі
4.	Кинотеатрлар	толтырылуы 30%-дан артық емес болған жағдайда рұқсат етіледі
5.	Компьютерлік клубтар, PlayStation клубтарын қоса алғанда	толтырылуы 50%-дан артық емес болған жағдайда рұқсат етіледі
6.	Діни объектілер (жабық үй-жайларда ұжымдық құдайға құлшылық ету)	рұқсат етіледі
7.	Сауда-ойын-сауық орталықтары, сауда үйлері, сауда алаңы 100 ш.м-ден асатын (азық-түлік емес) сауда желілері	рұқсат етіледі
8.	Сауда алаңы 6000 ш.м-ден асатын (азық-түлік) сауда желілері	рұқсат етіледі
9.	Сауна, монша	рұқсат етіледі
10.	Бассейн	рұқсат етіледі
11.	Спорттық-сауықтыру орталықтары және фитнес- орталықтар, йога орталықтары	рұқсат етіледі